

শ্রীশ্রী সত্যনারায়ণ - এর
পাঁচালী

শ্রীশ্রী কৈবল্যধাম

www.kaibalyadham.org

স্তুতিঃ

যন্ময়া ভক্তিয়োগেন পত্রং পুষ্পং ফলং জলম্ ।
নিবেদিতঞ্চ নৈবেদ্যং তদ্গৃহাণানুকম্পয়া ॥
ত্বদীয়ং বস্তু গোবিন্দ তুভ্যমেব সমর্পয়ে ।
গৃহাণ সুমুখো ভূত্বা প্রসীদ পুরুষোত্তম ॥
মন্ত্রহীনং ক্রিয়াহীনং ভক্তিহীনং জনার্দন ।
যৎ পূজিতং ময়া দেব পরিপূর্ণং তদস্তু মে ॥
অমোঘং পুন্ডরীকাক্ষং নৃসিংহং দৈত্যসূদনম্ ।
হৃষীকেশং জগন্নাথং বাগীশং বরদায়কম্ ॥
সগুণঞ্চ গুণাতীতং গোবিন্দং গরুড়ধ্বজম্ ।
জনার্দনং জনানন্দং জানকীবল্লভং হরিম্ ॥
প্রণমামি সদা ভক্ত্যা নারায়ণমতঃপরম্ ।
দুর্গমে বিষমে ঘোরে শক্রণা পরিপীড়িতে ॥
নিস্তারয়তু সর্বেষু তথানিষ্টভয়েষু চ ।
নামান্যেতানি সংকীৰ্ত্ত্য ঈক্ষিতং ফলমাপুয়াৎ ।
সত্যনারায়ণং দেবং বন্দেহহং কামদংপ্রভুম্ ।
লীলয়া বিততং বিশ্বং যেন তস্মৈ নমোনমঃ ॥

পুষ্পাঞ্জলিঃ

ওঁ নমস্তে বিশ্বরূপায়, শঙ্খচক্রধরায় চ ।
পদ্মনাভায় দেবায়, হৃষীক-পতয়ে নমঃ॥
নমোহনন্তস্বরূপায়, ত্রিগুণাত্মবিভাসিনে ।
এষ পুষ্পাঞ্জলিঃ ওঁ সত্যনারায়ণায় নমঃ॥

শ্রীশ্রী সত্যনারায়ণ-এর পাঁচালী

নমঃ সত্যনারায়ণায় নমঃ

সত্য সত্য সত্যপীর সৰ্বসিদ্ধি দাতা ।
বাঞ্ছা বড় বাড়িল, বর্ণিতে ব্রতকথা॥
রসাল রসিক-প্রিয় রমাইব রাগে ।
বৃন্দারক-বৃন্দকে বন্দনা করি আগে॥
গুরুগণ গণেশে করিয়া প্রণিপাত ।
বন্দোঁ বহি বিপ্র বিধি বিষ্ণু বিশ্বনাথ॥
ত্রিসাবিত্রী সিন্ধুপুত্রী সরস্বতী শিবা ।
ত্রিসঙ্ক্যা নক্ষত্র চন্দ্র সূর্য্য রাত্রি দিবা॥

রসাল রসিক-প্রিয়-রসজ্ঞ বন্ধুজনকে । রমাইব-সম্ভুষ্ট করিব । রাগে- স্বরের
মাধুর্য্যে । বৃন্দারক-বৃন্দকে-দেবতাদিগকে । বন্দোঁ-বন্দনা করি । ত্রিসাবিত্রী-
ত্রিবিধ গায়ত্রী (প্রাতে ব্রহ্মাণী, মধ্যাহ্নে বৈষ্ণবী, সায়ংকালে মহেশ্বরী) ।
সিন্ধুপুত্রী-লক্ষ্মী । শিবা-দুর্গা । ত্রিসঙ্ক্যা-ত্রিসঙ্ক্যার অধিষ্ঠাত্রী দেবতা ।

কামাখ্যারে করি নতি ধর্মরাজ-যুতা ।
 সসর্প মনসা বন্দোঁ মহেশের সুতা॥
 অষ্ট সিদ্ধি নবগ্রহ দশদিক্‌পাল ।
 বন্দোঁ বর্ণ পঞ্চাশৎ পরম রসাল॥
 প্রণমিব পরাৎপর পদাজয়ুগল ।
 কূর্মানন্ত অবনী অম্বুধি অষ্টাচল॥
 ত্রৈলোক্যতারিণী বন্দোঁ তুলসী-সুন্দরী ।
 গোলোক প্রভৃতি বন্দোঁ চতুর্দশ পুরী॥
 গঙ্গা আদি তীর্থ-ক্ষেত্রে হইয়া দন্ডবৎ ।
 কামরূপ আদি বন্দোঁ পীঠ পঞ্চাশৎ॥
 সায়ুধ-বাহন-আবরণ-পরিবার ।
 দশ মহাবিদ্যা বন্দোঁ দশ অবতার॥
 গোকুলে গোবিন্দ বন্দোঁ গোবর্দ্ধন-ধারী ।
 প্রণমিব প্রভুর প্রেয়সী যত নারী॥

ধর্মরাজ-যুতা-ধর্মরাজের সহিত । সুতা-কন্যা । বর্ণ পঞ্চাশৎ-বর্ণ পঞ্চাশটি
 ১৪টি স্বরবর্ণ ও ৩৬টি ব্যঞ্জনবর্ণ । পরাৎপর পদাজয়ুগল-ভগবানের
 পাদপদ্ম-দ্বয় । কূর্মানন্ত-কূর্ম ও অনন্ত অবতারদ্বয় । অবনী-পৃথিবী । অম্বুধি-
 সমুদ্র । অষ্টাচল-পৃথিবীর অষ্ট দিকের অষ্ট পর্বত । সায়ুধ- অস্ত্রসহ ।
 আবরণ-অঙ্গ দেবতা । পরিবার-সহচর । দশ মহাবিদ্যা-কালী, তারা প্রভৃতি ।
 দশ অবতার-মৎস্য, কূর্ম প্রভৃতি

বলরাম আদি ব্রজ বালক সকল ।
বৃন্দাবন-যমুনাди বিহারের স্থল॥
গো গোপী গোপাল গুরু ব্রজবাসী যত ।
রাধাকৃষ্ণ যুগলাদ্য সখী সখা শত॥
যষ্ঠী মহাকাল ক্ষেত্রপাল আদি যত ।
উপদেব-বৃন্দকে বন্দনা শত শত॥
নম্র হইয়া নবদ্বীপে বন্দিব নিমাই ।
পতিতপাবন প্রভু আর কেহ নাই॥
বন্দো বীরভদ্র ধীর নিত্যানন্দ রাম ।
প্রেম ধন দান দিয়ে পূর্ণ কৈল কাম ॥
প্রণমিব নদ নদী নদের নিমাই ।
বীরভদ্র নিত্যানন্দ শ্রীরূপ গোসাই॥
অদ্বৈত আচার্য্য বন্দো গদাধর পণ্ডিত ।
বন্দিয়া শ্রীবাস আদি ভক্তগণ গীত॥
বৈষ্ণব ব্রাহ্মণ যতী মোহান্তের গণ ।
যোগী ন্যাসী কর্মী জ্ঞানী গোস্বামী চরণ॥
বিষ্ণু শর্মা বিষ্ণুপ্রিয়া সত্যনারায়ণ ।
ভক্ত ভক্তি ভগবান্ তিন রূপ হন॥
পতিতপাবন গুরু সত্যনারায়ণ ।
যাঁহার কৃপায় তরে এ তিন ভূবন॥

ব্রহ্মাদ্যাদি সৰ্বশক্তি পৰা শক্তি দাত্ৰী ।
 চন্ডাচামুন্ডা চন্ডিকা দুৰ্গা শিবদূতী ॥
 অঙ্গরী কিন্নরী বন্দোঁ ডাকিনী যোগিনী ।
 ছয় রাগ ছয় ঋতু ছত্রিশ রাগিনী ॥
 বন্দোঁ বেদ বেদাঙ্গ বেদান্ত বিদ্যাগণ ।
 যত ব্রহ্ম ঋষি দেব মুনির চরণ ॥
 অতঃপর বন্দিব রহিম রামরূপ ।
 ত্রিদশের চতুর্দশ ভূবনের ভূপ ॥
 কোরাণ কেতাব্ আর কল্মা সংহতি ।
 সুফি খাঁ পীরের পায় প্রচুর প্রণতি ॥
 সাত শত আউলিয়া বন্দি কর জোড়ে ।
 ফণীন্দ্র নগেন্দ্র ইন্দ্র কাঁপে যা'র ডরে ॥
 পরে সত্যপীর বন্দোঁ বলে দ্বিজ রাম ।
 সাকিন বরদা বাটী যদুপুর গ্রাম ॥

ত্রিদশের-দেবগণের ; ভূপ-অধিপতি । কেতাব্-পুস্তক । সংহতি-সমূহ ।
 আউলিয়া-তপস্বী ফকির । ফণীন্দ্র-সর্পরাজ বাসুকি । নগেন্দ্র-গিরিরাজ
 হিমালয় ।

আমি অতি মূঢ় মতি কি জানি ভকতি স্তুতি,
 নিজ গুণে পূর গুণধাম॥
 তোমার সেবাতে হয় হৃদয়ের গ্রস্থি ক্ষয়,
 তোমা বিনা কিছু নাহি জানে ।
 সদানন্দে হ'য়ে লীন তোমার প্রেমেরধীন,
 পরাপর সেবাগত ধ্যানে॥
 দরিদ্র দ্বিজের কাছে, পূর্বকালে সৰ্ত্ত আছে
 আত্মবাক্য পালিবে আপনি ।
 নায়কেরে হ'য়ে তুষ্টি সির্গিতে করহ দৃষ্টি,
 শুন আপনার ব্রত বাণী॥
 দুঃখ বিনাশিনী তথা, তোমার মঙ্গল কথা,
 যে গায় গাওয়ার কিংবা শোনে ।
 তুমি রক্ষা কর তারে মহামারে মহাঘোরে
 রণে, বনে, রিপু সন্নিধানে॥
 দৃঢ়ভক্তি হয় যার, পাতক না থাকে তার
 মনোরথ সিদ্ধি হাতে হাতে ।
 কহে দ্বিজ রামেশ্বর শুদ্ধভাবে শুন নর,
 হরি বল পীরের পীরিতে॥

হাসিল-সিদ্ধ । পরাপর-পর, অপর (উত্তম ও অধম) । নায়ক-কর্তা, যে
 সির্গি দেয় ।

সির্গি দিয়ে শুদ্ধ ভাবে, পূজিলে বাঞ্ছিত লভে
পুত্র, দারা, অর্থ, ঘোড়া, দোলা ।
ভনে দ্বিজ রামেশ্বর, বুঝে কার্য্য কর নর,
শুন প্রভুর অষ্ট মঙ্গলা॥

কলিতে প্রথম তত্ত্ব ফকিরত্ব কায়া ।
দ্বিতীয়ে দরিদ্র দ্বিজে দিলে পদ ছায়া॥
তৃতীয়ে ত্রিবিধ লোক করিলে নিস্তার ।
চতুর্থে উৎকট কষ্ট নষ্ট কাঠুরার॥
কন্যা জন্য মাননে পঞ্চমে পরাৎপর ।
সদানন্দ সাধুকে সংকটে দিলা বর॥
পাসরণে প্রতিফল বন্ধন বিদেশে ।
ষষ্ঠে তুষ্ট হয়ে কষ্ট দূর কৈলা শেষে॥
সপ্তমে সাধুর সঙ্গে পথে দরশন ।
অষ্টমে অবলার অহংকার মোচন॥
কত ঠাঁই ঠাকুরালী করিয়া প্রচুর ।
দরিদ্রের দুঃখ ক্রেশ কত কৈলা দূর॥
বংশধ্বজ নৃপতির দর্প চূর্ণ করি ।
গোপগণ সঙ্গে পূজা করাইলা হরি॥

পরে তুষ্ট হয়ে তারে দিলে পরম স্থান ।
সত্যনারায়ণ হন দয়ার নিদান॥
পুত্রার্থীয়ে পুত্র দেয় ধনার্থীয়ে ধন ।
দয়ার্থী সদাই সেবে সত্যের চরণ॥
তুমি প্রভু দয়াসিন্ধু মহিমা সাগর ।
কি বলিতে পারি প্রভু আমি তুচ্ছ নর॥
আপনি রচিলে নাথ আপন কীর্তন ।
মোর দোষ ক্ষম, দেহ চরণে শরণ॥
নায়কে কল্যাণ কর গায়কে সুশ্বর ।
আসর সহিতে সত্যপীর দেহ বর॥
পূজার দক্ষিণা দিবে, না হবে কাতর ।
তবে দয়া করিবেন পীর পয়গম্বর॥
গ্রন্থ সাঙ্গ হৈল বিরচিল দ্বিজ রাম ।
সবে হরি ধ্বনি কর মুজুরা সেলাম॥

প্রণাম

অর্চনং বন্দনং পাঠং নমস্কারং ক্ষমস্বতে ।
প্রসাদানন্দ সংযোগে স্তুতিং কৃত্বা গৃহং গত্বা ॥
গুণানুচিত্তয়েৎ ভক্ত্যা রাত্রৌ নিদ্রা ন লভ্যতে ।
এবং কৃতে মনুষ্যাণাং নিত্যানন্দং সুখং ভবেৎ ॥
